

0.0.1 upavānasuttaṃ

1. ekaṃ samayaṃ āyasmā ca upavāno āyasmā ca sārīputto kosambiyaṃ viharanti ghoṣitārāme. atha kho āyasmā sārīputto sāyanhasamayaṃ paṭisallānā vuṭṭhito yenāyasmā upavāno tenupasaṅkami. upasaṅkamitvā āyasmatā upavānena saddhiṃ sammodi. sammedanīyaṃ kathaṃ sārāṇīyaṃ vītisāretvā ekamantaṃ nisīdi. ekamantaṃ nisinno kho āyasmā sārīputto āyasmanantaṃ upavānaṃ etadavoca:

2. jāneyya nu kho āvuso upavāna bhikkhu paccattaṃ yoniso manasikārā¹ evaṃ susamāraddhā me satta bojjhaṅgā phāsuvihārāya saṃvattantīti.

3. jāneyya kho āvuso sārīputta bhikkhu paccattaṃ yoniso manasikārā evaṃ susamāraddhā me satta bojjhaṅgā phāsuvihārāya saṃvattantīti. satisambojjhaṅgaṃ kho āvuso bhikkhu ārabhamāno pajānāti cittaṃ ca me suvimuttaṃ thīnamiddhaṃ ca me susamūhataṃ. uddhacca kukkuccañca me suppaṭivīnītaṃ. āradhaṃ ca me viriyaṃ aṭṭhikatvā manasikaromi. no ca līnanti dhammavicayasambojjhaṅgaṃ kho āvuso bhikkhu ārabhamāno pajānāti cittaṃ ca me suvimuttaṃ thīnamiddhaṃ ca me susamūhataṃ. uddhacca kukkuccañca me suppaṭivīnītaṃ. āradhaṃ ca me viriyaṃ aṭṭhikatvā manasikaromi. no ca līnanti viriyasambojjhaṅgaṃ kho āvuso bhikkhu ārabhamāno pajānāti cittaṃ ca me suvimuttaṃ thīnamiddhaṃ ca me

¹manasikāro - sī 1, 2.

susamūhatam. uddhacca kukkuccañca me suppaṭivinītam. āraddham ca me viriyam aṭṭhikavā manasikaromi. no ca līnanti pītisambojjhaṅgam kho āvuso bhikkhu ārabhamāno pajānāti cittam ca me suvimuttam thīnamiddham ca me susamūhatam. uddhacca kukkuccañca me suppaṭivinītam. āraddham ca me viriyam aṭṭhikavā manasikaromi. no ca līnanti passaddhisambojjhaṅgam kho āvuso bhikkhu ārabhamāno pajānāti cittam ca me suvimuttam thīnamiddham ca me susamūhatam. uddhacca kukkuccañca me suppaṭivinītam. āraddham ca me viriyam aṭṭhikavā manasikaromi. no ca līnanti samādhisambojjhaṅgam kho āvuso bhikkhu ārabhamāno pajānāti cittam ca me suvimuttam thīnamiddham ca me susamūhatam. uddhacca kukkuccañca me suppaṭivinītam. āraddham ca me viriyam aṭṭhikavā manasikaromi. no ca līnanti upekkhāsambojjhaṅgam kho āvuso bhikkhu ārabhamāno pajānāti cittam ca me suvimuttam thīnamiddham ca me susamūhatam. uddhacca kukkuccañca me suppaṭivinītam. āraddham ca me viriyam aṭṭhikavā² manasikaromi. no ca līnanti.

4. evam kho āvuso sārīputta bhikkhu jāneyya paccattam yoniso manasikārā susamāraddhā me satta bojjhaṅgā phāsu vihārāya saṃvattantīti.

²aṭṭhi katvā - machasam.